

Tym, kenz na drose a na tom kaimenifchezu su, abo pschi kotarychž to semie togo Božego słowa do scherňow padno, tym nehobstawnym, semske- a schelie-myšlonym nepomoga to słowo togo pratkowańa niz; byli ty teke jaden wot nich, ga dejšch ty wěžešch, až tebe to słowo togo pratkowańa podermo sni.

Kak žakofny pať nějby ty togodla! Schyľno twojo do zerkwe, k spojezi a k Božem blidu chojžeńe, jo podermo! Ty namožošch tež wěžešch, kak ty pschawie wěrišch, po kšchesczijańsku se žywišch, a s božne humrešch dejšch. Ty namožošch žeden troscht we kšchizy daniž we smierschi měšch, gaž ty žeden pschawy šlyšchar togo Božego słowa nějby. A kak zošch ty hobstasch psched tym Božym šudom, žož ty, rowno ako wot schyľnogo, tak teke wot togo šlyšcharńa togo Božego słowa bužošch rachnowańe dasch dejasch: S žym zošch ty se jagronišch? och! tam něbužo žedno jagrono pšaschesch, ale to słowo, kenz Jesus k tebe groniť jo psches šwojich šlužabnikow, to šchi bužo šuzišch na šudnem dnu (Jan. 12, 48).

Pšchemyšlij že, kak tež twojim huzabnikam, kenz nad twojeju duschu wachuju, a sa nu budu dejasch rachnowańe dawasch, pschi tom k myšli jo, gaž wěžešch deje, až twoja hutschoba žedna dobra semja hordowasch nožo, gaž ty žedne dobre plody nepšchinasošch, ale wele wězy šte plody mēwasch. Pšchemyšlij že, kak tebe by k myšli bylo, gabu twoja rola žedne dobre plody nepšchinasčla? Tak, a niz hynazej jo tež twojim huzabnikam k myšli, gaž woni wot šwojogo žela žedne plody niewěže!